

## **Publicaziuns officialas dils 3 da november 2023**

### **Vischnaunca Trun**

#### **Damonda da baghegiar**

##### **Datum da publicaziun: 03-11-2023**

Petenta: Monika Bruggmann, Via Campliun 17, 7166 Trun

Representanza: Gebr. Wetzel AG, Via Faltscharidas 5, 7180 Disentis/Mustér

Object: Construcziun d'ina passarella denter la garascha e l'entrada dalla casa sin parcella 1698 a Campliun.

Zona: Zona dil Vitg (V)

##### **Protestas:**

Il's plans ein deponi en canzlia communal. L'investa publica cuoza 20 dis dapi il datum da publicaziun. Protestas ein d'inoltrar en scret enteifer 20 dis dapi la publicaziun alla suprastanza communal Trun.

*Administraziun communal Trun*

#### **Sessiun dil cussegl da vischnaunca**

**Gliendisdis, ils 13-11-2023** allas 19.30 ell'aula dalla casa da scola.

##### **Tractandas:**

1. Approbaziun dil protocol dalla sessiun dils 21-8-2023
2. Damonda dall'uniun Trun Cultura per ina contribuziun da frs. 100'000.- vid il tetg da lenn accessibel dalla Casa Carigiet
3. Approbaziun dil regulativ da salarisaziun pil persunal da biblioteca (secunda lecziun)
4. Fixaziun dil pei da taglia per igl onn 2024
5. Preventiv 2024
6. Verificaziun dil resultat dallas elecziuns communalas dils 24-09-2023
7. Pusseivladad da tschentiar damondas

*Administraziun communal Trun*

## **Elecciuns communalas dils 26 da november 2023**

### **Gliesta da candidats pil cussegl da vischnaunca**

Bundi Flurina,	en uffeci
Bundi Clemens	en uffeci
Decurtins Wendelin,	en uffeci
Demont Caroline,	niev
Flepp Marcel,	en uffeci
Lechmann Mario,	en uffeci
Maissen Remigi,	niev
Moser Andrea,	niev
Pfister Bruno,	en uffeci
Scolieri Claudio,	en uffeci
Tambornino Eligius,	niev
Thalmann Claudio,	en uffeci
Tomaschett Baseli,	en uffeci
Tuor Flavio,	en uffeci
Wolf Riccardo,	niev

### **Gliesta da candidats per la cumissiun da gestiun**

Decurtins Alexa,	en uffeci
Guldimann Carla,	niev
Jundt Sven,	niev
<i>Suppleanta</i>	
Maissen Silvia,	niev

*Administraziun communal Trun*

## **Deponia da verd Ogn**

### **Midada dallas uras d'avertura**

Preziadas convischinas e prezias convischins

Cunquei ch'ei vegn pli baul stgir ei vegniu decidiu da midar il temps d'avertura dalla deponia il mardis e la gievgia mintgamai sin las 16.00 entochen las 18.00 uras. La sonda resta la deponia vinavon aviarta sco tochen dacheu.

Uras d'avertura deponia Ogn naven dils 30 d'october 2023:

Mardis naven dallas 16.00 – 18.00 uras

Gievgia naven dallas 16.00 – 18.00 uras

Sonda naven dallas 10.00 – 12.00 uras e naven dallas 14.00 – 16.00 uras

*Administraziun communal Trun*

## **Dis da viseta**

Nus envidein cordialmein las famiglias dils affons als dis da viseta ellas casas da scola a Rabius ed a Trun. Quels han liug **venderdis e sonda, ils 17 ed ils 18 da november 2023**, e quei **mintgamai igl avonmiezdi**.

Per evitar pli gronds disturbis supplichein nus las visetas da mintgamai entrar all'entschatta dalla lecziun e da sortir alla fin dalla lecziun. Plinavon supplichein nus Vus era da risguardar igl uorden e l'atmosfera d'instrucziun.

Ils bus da scola curseschan sonda avonmiezdi sco in avonmiezdi ordinari.

Nus selegrein da Vossa viseta.

*ConSORZI da scola Sumvitg-Trun*

## **Di da suppa**

Suenter messa, ca. sin las 12.00, serendin en Sala da cultura e stein da cumpignia cun ina buna suppa e pettas. Il recav va en favur dalla Uniun catolica dils amitgs «Zyrenäisch» per personas impedidas motoricamein.

*Cordialmein envida il Cussegl pastoral*

## **Biblioteca Trun**

**Venderdis, ils 10 da november 2023 allas 19.00 «Historias dalla veta – conservar la historia dalla veta ed anflar la pasch».** Marlis Flepp discuora sur da sia lavur e explichescha tgei scazi ch'ei sa esser da conservar la historia dalla veta. Nus mussein sequenzas da film ed audio ord la veta da Nicolaus Pfister-Maissen da Schlans. Presents ein Claudia e Reto, ils affons da Nicolaus che raquentan tgei muntada ch'ei ha per els dad haver conservau la historia dalla veta dil bab. Cordialmein envida

*il team dalla biblioteca*

## **15avel til da latiarnas a Danis**

**Venderdis, ils 3 da november** fagein il til da latiarnas. Entschatta las 18.00 sil plaz scola Danis. Tut ils affons che han plascher astgan prender part al til. Tgi che ha plascher da mirar il til e star in mument en cumpignia ei cordialmein envidaus.

Silsuenter dat ei sil plaz scola petta, punsch, caffee, vin cauld e Hot Dogs. Selegrein da seveser cun vus tuts.

*Il rudi d'affons cun scoletta*